



Broj: 04-50-2-3284-2/2022  
Sarajevo, 10.10.2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 12-10-2022			
Org. jed.	Broj	Priloga	Vrijednost
02.021a	-02-	1908	122

**DOM NARODA PARLAMENT FEDERACIJE BOSNE I HERCEGOVINE**  
n/r Tomislav Martinović , predsjedavajući  
n/r Aljoša Čampara, potpredsjedavajući


**Predmet:** Prijedlog kandidata za sudiju Ustavnog suda Federacije BiH od 16.10.2019. godine i 26.02.2021. godine; - dostavlja se;

Poštovani,

U skladu sa odlukom Visokog predstavnika od 02.10.2022. godine kojom se donose amandmani na Ustav Federacije Bosne i Hercegovine, u prilogu dostavljamo dopis Visokog sudskog i tužilačkog Vijeća od 16.10.2019. godine sa prijedlozima za imenovanje tri kandidata za sudije Ustavnog suda Federacije Bosne i Hercegovine i dopis od 26.02.2021. godine sa prijedlozima za imenovanje jednog kandidata za sudiju Ustavnog suda Federacije Bosne i Hercegovine.

Navedeni dopisi dostavljeni su predsjedniku i potpredsjednicima Federacije Bosne i Hercegovine.

S poštovanjem,



Dostaviti:  
- naslovu;  
- a/a

Kopija: Uredu Visokog predstavnika u BiH



*celog*  
21.10.19

Broj: 04-07-3-1990-9/2019  
Sarajevo, 16.10.2019. godine

**FEDERACIJE BOSNE I HERCEGOVINE**  
**N/r Marinko Čavara, predsjednik**  
**N/r Melika Mahmutbegović, potpredsjednica**  
**N/r Milan Dunović, potpredsjednik**

**Predmet:** Prijedlog kandidata za sudije Ustavnog suda Federacije BiH

Poštovani,

Nakon provedene konkursne procedure za imenovanje troje sudija Ustavnog suda Federacije BiH shodno odredbama člana 17. tačka 3. Zakona o Visokom sudskom i tužilačkom vijeću BiH, u prilogu Vam dostavljamo prijedlog kandidata za Ustavni sud Federacije BiH usvojen na sjednici Visokog sudskog i tužilačkog vijeća Bosne i Hercegovine (u daljem tekstu: Vijeće), održanoj 16. oktobra 2019. godine.

Na navedenoj sjednici, Vijeće je utvrdilo listu od dvadeset jednog (21) kandidata koji su svrstani u tri grupe, u skladu sa dobijenom opisnom ocjenom, i to :

- a) grupu I - ocjena odličan,
- b) grupu II - ocjena vrlo dobar,
- c) grupu III - ocjena dobar.

Na listi prijedloga, kandidati su navedeni po grupama abecednim redom, kako slijedi:

Grupa I (odličan)

- 1) Čampara Dubravko
- 2) Mujezinović-Katana Meliha
- 3) Ožegović Ljubomir
- 4) Softić Ajša
- 5) Uzunović Sena

Grupa II (vrlo dobar)

- 1) Barun Boris
- 2) Džumhur Jasminka
- 3) Hadžiavdzić Izmir
- 4) Kisić Nina
- 5) Miličević Mirko
- 6) Orašanić Branimir
- 7) Perić Velimir
- 8) Schorr Branka
- 9) Šabić Smajo
- 10) Tulumović Muhamed

Grupa III (dobar)


- 1) Bisić Mustafa
- 2) Dujaković Bojan
- 3) Kadrić Remzija
- 4) Latić Sanela
- 5) Plošković Mevsuda
- 6) Zuparević Samir

U skladu sa članom 17. stav 1. tačka 3. Zakona o Visokom sudskom i tužilačkom vijeću BiH, prije formiranja konačne liste prijedloga, Vijeće je zatražilo pismeno mišljenje Ustavnog suda Federacije BiH.

Ustavni sud Federacije BiH je, dana 17.09.2019. godine, dostavio pismeno Mišljenje, broj: S-93-2/18, u kojem se navodi da Ustavni sud predlaže da se kandidati sa kumulativno ispunjenim uslovima naučnog zvanja doktora pravnih nauka i kandidati koji imaju najrelevantnije radno iskustvo iz oblasti ustavnog prava, prava ljudskih prava i fundamentalnih pravnih disciplina, kao i kandidatima koji su dugogodišnje karijerne sudije vrhovnih sudova u BiH i/ili Apelacionog odjela Suda BiH, budu uvršteni u listu konačnih prijedloga, uz napomenu da se ne protive ni stavljanju na konačnu listu i drugih kandidata koji se nalaze na listi koju je Vijeće dostavilo prvobitno.

U prilogu se dostavlja sažetak biografija i mišljenje o predloženim kandidatima sa podacima o nacionalnosti kandidata, kao i pomenuto Mišljenje Ustavnog suda Federacije BiH.

S poštovanjem,



Prilog:

- Sažetak biografija i mišljenje o predloženim kandidatima,
- Mišljenje Ustavnog suda Federacije BiH, broj: S-93-2/18 od 17. septembra 2019. godine.

Dostaviti:

- 1) Naslovu;
- 2) Ustavni sud Federacije BiH;
- 3) a/a

## PRIJEDLOG KANDIDATA ZA USTAVNI SUD FEDERACIJE BiH

### Kandidati su upisani abecednim redom

#### GRUPA I (odlični)

##### ČAMPARA DUBRAVKO (O)

Rođen 11.05.1976. godine u Dubrovniku, po nacionalnosti Ostali.  
Pravni fakultet završio 1999. godine u Sarajevu, a pravosudni položio 2001. godine, u Sarajevu.

##### Radno iskustvo

Ima ukupno 17 godina radnog iskustva nakon položenog pravosudnog ispita. Prvo radno iskustvo započeo 1999. godine u tužilaštvu gdje je radio kao pripravnik i stručni saradnik 6 godina, a nakon toga 3 godine je bio na poziciji tužioca Kantonalnog tužilaštva KS. Od 2009. godine je na poziciji tužioca u posebnom Odjelu za organizovani kriminal, privredni kriminal i korupciju i posebnom Odjelu za ratne zločine Tužilaštva BiH. Od 2013. do 2016. godine radio je kao rukovodilac Odsjeka za organizovani kriminal i terorizam, a od 2016. godine je rukovodilac Odsjeka za terorizam u Posebnom odjelu za organizovani kriminal, privredni kriminal i korupciju Tužilaštva BiH.

##### Ostale relevantne informacije

Član je mnogih stručnih organizacija i to: Financial Action Task Force, MONEYVAL komiteta za BiH, RACVIAC SE EUROPE, Udarne grupe za borbu protiv terorizma i Ekspertne komisije za izmjene Krivičnog zakona BiH iz oblasti terorizma. Ekspert i predavač OSCE-a BiH, UNODC-a i CEST FBiH za krivična djela terorizma. Šef je Operativne grupe za borbu protiv terorizma. Govori engleski i njemački jezik. Učestvovao je na mnogim seminarima i edukacijama.

##### Ocjena i mišljenje

Vrlo respektabilno pravno iskustvo kandidata, i to prvenstveno stečeno na poslovima tužioca Tužilaštva BiH u trajanju od 14 godina, njegovo akademsko iskustvo i dostignuća, te doprinos pravnoj nauci i tužilačkoj praksi kroz učešće na seminarima i konferencijama i članstvo u stručnim organizacijama, preporučuju ga kao **odličnog** kandidata za poziciju sudije Ustavnog suda Federacije BiH.

##### MUJEZINOVIĆ-KATANA MELIHA (B)

Rođena 25.07.1970. godine u Banovićima, po nacionalnosti Bošnjakinja. Pravni fakultet završila 1994. godine u Sarajevu gdje je položila i pravosudni ispit 2000. godine. Magistrirala 2007. godine na Pravnom fakultetu u Sarajevu i dobila zvanje magistar pravnih nauka.

##### Radno iskustvo

Ukupno radno iskustvo nakon polaganja pravosudnog ispita 18 godina i 3 mjeseca. Od 2002. do 2006. godine radila kao šef odsjeka za normativne poslove u Federalnom ministarstvu prostornog uređenja i okoliša. U 2006. godinu, u periodu od 01.01 do 02.08. radila kao sekretar Komisije za koncesije Federacije Bosne i Hercegovine. Od 2006. do 2007. godine bila sekretar Ureda za saradnju i zastupanje pred Komisijom za ljudska prava pri Ustavnom sudu Bosne i Hercegovine. Od 2007. do 2010. godine bila na poziciji direktora Glavnog ureda Vlade Federacije Bosne i Hercegovine, a od 2010. godine je direktor Ureda Vlade Federacije BiH za saradnju i zastupanje pred Ustavnim sudom Bosne i Hercegovine.

#### Ostale relevantne informacije

Prošla brojne seminare međunarodne i u BiH, kao što su:

„Međunarodni simpozij za ljudska prava i mentalno zdravlje“;

„Međunarodna konferencija i zaštita obale i kopna mediterana, Antalija, Turska“;

„Seminar iz oblasti okoliša“, Beograd;

„Outreach programme“ (pri Međunarodnom krivičnom tribunalu za bivšu Jugoslaviju)

Govori engleski jezik. Član Upravnog odbora Fonda za zaštitu okoliša FBiH. Pisala članak iz oblasti zaštite okoliša.

#### Ocjena i mišljenje

Na osnovu navedenih referenci kandidatkinje i cijeneći prvenstveno vrlo respektabilno radno iskustvo kandidatkinje od 18 godina na raznovrsnim pravnim poslovima, kroz učešće, kao predavač na seminarima i konferencijama, te kroz razgovor pokazani visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je ista **odličan** kandidat za poziciju sudije Ustavnog suda Federacije BiH.

### **OŽEGOVIĆ LJUBOMIR (S)**

Rođen 15.02.1963. godine u Sanskom Mostu, po nacionalnosti Srbin.

Pravni fakultet završio 1987. godine, pravosudni ispit položio 1982. godine u Banja Luci. Magistrirao 2012. godine na Pravnom fakultetu u Banjaluci i stekao stručni naziv „magistar ustavno-pravnih nauka“. Doktorirao 2017. godine na Pravnom fakultetu u Banjaluci i stekao stručni naziv „doktor pravnih nauka“.

#### Radno iskustvo

Kandidat ima ukupno 17 godine radnog iskustva nakon polaganja pravosudnog ispita. Od 1988. do 1995. godine radio kao referent za imovinsko - pravne poslove i šef službe za opštu upravu u SO Sanski Most, a od 1995. do 1999. godine bio referent za pravne poslove u ZDP "Elementi automatike" Čelinac. Od 1999. do 2002. godine radio kao pravni savjetnik u MPDL, NVO "TERA", NVO IUSTITIA. U 2003. godini radio kao projekt menadžer u NVO „Iustitia“. Od 2003. do 2005. godine radio kao savjetnik Ustavnog suda Bosne i Hercegovine. U 2005. godini radio na poziciji višeg pravnog savjetnika sudije Ustavnog suda Bosne i Hercegovine. U periodu od 2005. do 2008. godine radio kao šef apelacionog odjela Ustavnog suda Bosne i Hercegovine. Nakon toga, u decembru 2008. godine prelazi na poziciju sekretara Ustavnog suda Republike Srpske.

#### Ostale relevantne informacije

Objavio više stručnih radova:

Monografija „Apelaciona nadležnost Ustavnog suda Bosne i Hercegovine“, Banja luka 2013;

„Uloga i funkcije Ustavnog suda BiH u pravnom sistemu države“, Banja Luka, 2018;

„Jedan osvrt na institucionalnu zaštitu ljudskih prava u BiH“, Beograd, 2015;

„Neke kontroverze apstraktne normativne kontrole Ustavnog suda BiH“, Beograd, 2013;

„Trebalo li BiH jedan vrhovni sud?“, Sarajevo, 2011. Učestvovao na više seminara i savjetovanja u svojstvu edukatora, referenta i učesnika. Od 2008. godine član Udruženja pravnika Republike Srpske. Govori engleski jezik.

#### Ocjena i mišljenje

Vrlo respektabilno radno iskustvo kandidata stečeno na poslovima pri ustavnim sudovima, doprinos pravnoj nauci i sudskoj praksi kroz objavljene knjige i radove, odgovarajući stepen poznavanja ustavno-pravne materije, uključujući nadležnosti i postupak pred ustavnim sudovima u BiH, koji je kroz razgovor pokazao, te kroz učešće, kao predavač na seminarima i konferencijama, preporučuju ga kao **odličnog** kandidata za funkciju sudije Ustavnog suda Federacije BiH.

### **SOFTIĆ AJŠA (B)**

Rođena je 05.12.1966. godine u Tuzli, po nacionalnosti Bošnjakinja. Pravni fakultet završila 1995. godine u Sarajevu, a pravosudni ispit položila 2001. godine.

#### Radno iskustvo

Od 1998. do 2002. godine radila je kao sekretar suda u Općinskom sudu u Banovićima, a zatim od 2002. do 2006. godine kao predsjednik suda u Općinskom sudu za prekršaje u Banovićima. Od 2006. do 2012. godine bila je na poziciji sudije Općinskog suda u Živinicama, a nakon toga od 2012. do 2015. godine bila na funkciji predsjednika Općinskog suda u Banovićima. Od 2015. godine je sekretar Federalnog ministarstva pravde. Kandidatkinja ima ukupno 24 godine radnog iskustva nakon položenog pravosudnog ispita.

#### Ostale relevantne informacije

Bila član SDA u periodu od 1996. do 2000. godine, na lični zahtjev izbrisana iz evidencije. U periodu od 1993. do 1995. godine bila zaposlena u Općini Tuzla

#### Ocjena i mišljenje

Vrlo respektabilno pravno iskustvo kandidata, stečeno na poslovima sudije i predsjednika suda, njeno akademsko iskustvo i dostignuća, te doprinos pravnoj nauci i sudijskoj praksi kroz učešće i članstvo u stručnim organizacijama, odgovarajući stepen poznavanja ustavno-pravne materije, uključujući nadležnosti i postupak pred ustavnim sudovima u BiH, koji je kroz razgovor pokazala preporučuju je kao **odličnog** kandidata za poziciju sudije Ustavnog suda Federacije BiH.

### **UZUNOVIĆ SENA (B)**

Rođena 16.01.1961. godine u Jablanici. Po nacionalnosti Bošnjakinja.

Pravni fakultet završila 1984. godine u Sarajevu, a pravosudni položila 1994. godine u Sarajevu.

#### Radno iskustvo

Ima ukupno 32 godine radnog iskustva, od čega 25 godina nakon položenog ispita. U 1985. godini 3 mjeseca radila kao pripravnik u RO „Terpentin“ Višegrad. Od 1985. do 1992. godine radila prvo kao pripravnik a zatim kao referent za imovinsko pravne poslove u Skupštini općine Hadžići. Od 1993. do 1996. godine je bila na poziciji sudije Okružnog vojnog suda u Mostaru, u Odjeljenju suda u Konjicu. Od 1996. do 1998. godine bila je sudija Višeg suda u Mostaru. Od 1998. do 2001. godine bila je pomoćnik ministra u Federalnom ministarstvu finansija. U 2001. godini, šest mjeseci je radila kao savjetnik zamjenika Premijera Vlade Federacije BiH, nakon čega je imenovana za sudiju Općinskog suda I. Sarajevo. Nakon dvije godine, imenovana je za tužioca Kantonalnog tužilaštva Sarajevo na kojoj poziciji je bila do 2007. godine. Od 2007. godine je na poziciji tužioca Tužilaštva Bosne i Hercegovine.

#### Ostale relevantne informacije

U periodu od 2012-2015 godine bila član komisije Ministarstva pravde BiH za praćenje primjene ZKPBiH i KZBiH. Bila član Stranke za BiH u periodu kada je obavljala funkciju pomoćnika ministra finansija u Ministarstvu finansija FBiH. Istupila iz članstva imenovanjem za sudiju Općinskog suda I u Sarajevu, 2001. godine. Zamjenski je član Stručnog tima za izradu Strategije BiH za borbu protiv organizovanog kriminala i praćenje primjene Akcionih planova Agencija za provedbu zakona i Tužilaštava u BiH. Također, član je grupe za kontrolu malog i lakog naoružanja Ministarstva sigurnosti. Povremeni edukator CEST-a, prezentator za međunarodne organizacije IOM, UNODC, OSCE i MARRI na teme organizovanog krijumčarenja ljudi, trgovine ljudima, finansijskih istraga, posebnih istražnih radnji, zakonskog okvira BiH i drugih tema. Govori engleski i francuski jezik. Učestovala je na više seminara i stručnih obuka.

#### Ocjena i mišljenje

Vrlo respektabilno pravno iskustvo kandidatkinje, stečeno na poslovima sutkinje i tužiteljice, akademsko iskustvo i dostignuća, te doprinos pravnoj nauci i sudskoj praksi kroz učešće kao predavač na seminarima i konferencijama, te u razgovoru pokazani stepen poznavanja ustavne materije, uključujući nadležnosti i postupak pred ustavnim sudovima u BiH preporučuju je kao **odličnog** kandidata za poziciju sudije Ustavnog suda Federacije BiH.

### **GRUPA II (vrlo dobri)**

#### **BARUN BORIS (H)**

Rođen 03.01.1974. godine, po nacionalnosti Hrvat. Pravni fakultet završio 2003. godine, a pravosudni ispit položio 2006. godine. Magistrirao je 2017. godine na Pravnom fakultetu u Banja Luci.

#### Radno iskustvo

Od 1997. do 2003. godine bio je zaposlen kao stručni saradnik za poslove tajništva Vlade Hercegbosanske županije. U periodu 2003-2006. godine bio je profesionalni zastupnik Skupštine Hercegbosanske županije. Nakon toga, od 2006. do 2014. godine radio je u J.P. „Elektroprivreda HZHB“ d.d. Mostar, prvobitno na poziciji samostalnog referenta za pravne poslove, zatim kao rukovoditelj službe za pravne poslove i

rukovoditelj 2. pogon Livno i nakon toga kao samostalni referent za pravne poslove. U 2014. godini, pet mjeseci je radio kao profesionalni zastupnik u Skupštini Hercegbosanske županije, a nakon toga kao stručni saradnik u Uredu izvršnoga direktora za distribuciju u J.P. „Elektroprivreda HZHB“ d.d. Mostar. Od 2014. do 2018. godine je bio profesionalni zastupnik u Parlamentu Federacije Bosne i Hercegovine-Zastupnički dom, a od 2018. godine radi kao stručni saradnik u Uredu izvršnoga direktora za distribuciju u J.P. „Elektroprivreda HZHB“ d.d. Mostar. Ima ukupno 12 godina radnog iskustva nakon položenog pravosudnog ispita.

#### Ostale relevantne informacije

Objavio je monografiju „Entiteti u ustavnopravnom sustavu Bosne i Hercegovine“, Grafomark, Banja Luka 2017. Od 2003. do 2007. bio je član komisije Federalnog ministarstva pravde za polaganje stručnog odgojiteljskog ispita i ispita stražara u federalnim ustanovama za izvršenje kazne zatvora. Od 2005. do 2007. godine bio je član komisije Federalnog ministarstva pravde za polaganje stručnog upravnog ispita namještenika organa uprave u FBiH, kao i u periodu od 2007. do 2009. godine. Govori engleski jezik. U periodu 2016-2017. godine bio je predsjednik komisije Ministarstva pravde Hercegbosanske županije za polaganje stručnog upravnog ispita namještenika i vježbenika Više školske spreme. Od 2017. godine član je komisije Federalnog ministarstva pravde za predlaganje sporazuma o naknadi štete zbog neosnovanog pritvora i predsjednik komisije ministarstva pravde Hercegbosanske županije za polaganje stručnog upravnog ispita namještenika i vježbenika Više školske spreme. Od 2019. godine član je ustavne komisije Zastupničkog doma Parlamenta FBiH. Član je HDZ-a BiH.

#### Ocjena i mišljenje

Imajući u vidu navedene reference kandidata i to prvenstveno njegovo respektabilno radno iskustvo stečeno na raznovrsnim pravnim poslovima, te kroz razgovor pokazani stepen poznavanja ustavno pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **vrlo dobar** kandidat za pozicije sudije Ustavnog suda Federacije BiH.

### **DŽUMHUR JASMINKA (B)**

Rođena 23.06.1963. godine u Zenici, po nacionalnosti Bošnjakinja. Pravni fakultet završila 1987. godine a pravosudni ispit položila 1994. godine. Magistrirala je 2009. godine na Fakultetu za kriminalistiku, kriminologiju i sigurnosne studije, a doktorirala 2016. godine na Pravnom fakultetu u Mostaru.

#### Radno iskustvo

Svoju profesionalnu karijeru započela je kao pravna referentica u Fudbalskom klubu „Čelik“ 1988. godine na kojoj poziciji je provela godinu dana. Od 1989. do 1993. godine bila sutkinja Općinskog suda za prekršaje u Zenici, a od 1993. do 2001. godine predsjednica istog suda. U periodu od 2006. do 2007. bila je vršiteljica dužnosti šefa UN Ureda visokog komesarijata za ljudska prava, a od 2001. do 2006. godine službenica za ljudska prava. Od 2007. godine do 2009. godine bila je koordinatorica regionalno programa za Zapadni Balkan(ICMP). Od 2008. godine je ombudsmenka za ljudska prava u Instituciji Ombudsmena za ljudska prava Bosne i Hercegovine.

#### Ostale relevantne informacije



Od 2015. godine je članica i potpredsjednica UN Komiteta za prava radnika migranata i članova njihovih porodica. Od 2010. do 2015. godine bila je članica i potpredsjednica UN Radne grupe za prisilne nestanke. Jedna od osnivačica i članica Udruženje žena „Medica“ Zenica i Centra za pravnu pomoć za žene u Zenici u periodu od 1993-2001. godine. Objavila je mnoge stručne i naučne radove. Govori engleski i ruski jezik.

#### Ocjena i mišljenje

Na osnovu navedenih pokazatelja o relevantnom pravnom i akademskom iskustvu i dostignućima kandidata, te doprinos pravnoj nauci i kroz objavljene stručne i naučne radove, cijenimo da je ista **vrlo dobar** kandidat za poziciju sudije Ustavnog suda Federacije BiH.

### **HADŽIAVDIĆ IZMIR (B)**

Rođen 04.01.1960. godine u Derventi, po nacionalnosti Bošnjak. Pravni fakultet završio 1985. godine, a pravosudni položio 1997. godine. Magistrirao je 2013. godine na Pravnom fakultetu u Sarajevu.

#### Radno iskustvo

Ima ukupno 26 godina radnog iskustva nakon položenog pravosudnog ispita. Od 1985. do 1991. godine bio je referent za zastupanje u SOUR UNIS TC – Derventa. Od 1996. do 2003. godine bio je zaposlen kao pomoćnik direktora Zavoda za javnu upravu, a od 2003. godine je sekretar Parlamenta Federacije Bosne i Hercegovine-Dom naroda.

#### Ostale relevantne informacije

Od 1996. do 2003. godine bio je član Redakcionih odbora i urednik brojnih publikacija Federalnog ministarstva pravde, a u periodu 1997-2001. godine bio je član državnog odbora za implementaciju izbornih rezultata. Od 1999. do 2001. godine bio je član Komisije za polaganje stručnog odgajateljskog ispita i stručnog ispita stražara u federalnim ustanovama za izvršenje kazne zatvora. U periodu 2003-2013. godine bio je član Komisije za polaganje stručnog upravnog ispita. Od 2005. do 2012. godine bio je Predsjednik Komisije za polaganje ispita općeg znanja pri Agenciji za državnu službu Federacije BiH, a od 2000. do 2002. godine bio je član Sekretarijata Vlade Federacije BiH za otklanjanje administrativnih barijera za strana ulaganje. Bio je član ekspertnog time OHR-a za izradu Zakona o državnoj službi u FBiH.

Bio je član SDA u periodu 1990-2003. godine.

Od 2014. godine imenovan je za predsjednika Upravnog odbora Operatora za obnovljive izvore energije i efikasnu kogeneraciju, na mandat od 4 godine. Član Nadzornog odbora Federalnog zavoda za penzijsko invalidsko osiguranje od 2019. godine na mandat od 2 godine. Objavio je mnoge stručne radove i prisustvovao je raznim seminarima i edukacijama. Govori ruski jezik.

#### Ocjena i mišljenje

Naprijed navedene reference kandidata, relevantno pravno iskustvo kandidata te kroz razgovor pokazani stepen poznavanja ustavno-pravne materije, uključujući specifičnosti u pogledu nadležnosti i postupka pred ustavnim sudovima u BiH, ga preporučuju kao **vrlo dobrog** kandidata za poziciju sudije Ustavnog suda Federacije BiH.

### **KISIĆ NINA (S)**

Rođena je 08.09.1981 u Sarajevu, po nacionalnosti Srпкиnja. Pravni fakultet završila 2004. godine, a pravosudni položila 2014. godine. Advokatski ispit položila 2015. godine.

#### Radno iskustvo

Svoju profesionalnu karijeru započela je 2015. godine kao pripravnik pa GTA saradnik u Međunarodno krivičnom sudu za bivšu Jugoslaviju u Kancelariji tužioca, gdje je provela 10 mjeseci. U 2006. godini, 10 mjeseci je radila kao pripravnik u Kancelariji Visokog predstavnika OHR, a zatim u periodu od kraja 2006. i februara 2007 kao savjetnik u DFID. Od 2007. do 2015. godine radila je u Ministarstvu pravde BiH kao stručni savjetnik u Odsjeku krivične odbrane. Od 2015. godine radi kao advokat.

#### Ostale relevantne informacije

Član je ABA ROLI BRRLN. Objavila je rad na temu „Toward a more lenient law: Trends in Sentencing from the European Court of Human Rights“. Jedan je od autora Priručnika o odbrani u predmetima međunarodnog krivičnog prava. Objavila je mnoge članke i radove. Advokatski ispit položila 2015. godine, a stručni ispit za visoku školsku spremu 2009. godine. Govori engleski, češki i njemački jezik.

#### Ocjena i mišljenje

Relevantno pravno iskustvo kandidatkinje, te u razgovoru pokazani visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je ista **vrlo dobar** kandidat za poziciju sudije Ustavnog suda Federacije BiH.

### **MILIČEVIĆ MIRKO (H)**

Rođen je 15.06.1968. godine u D.V. Ograđeniku, općina Čitluk, po nacionalnosti Hrvat. Pravni fakultet završio 1996. godine na Pravnom fakultetu u Mostaru, a pravosudni položio 1999. godine u Sarajevu.

#### Radno iskustvo

Od 1997. do 2001. godine bio je općinski tužilac u Čitluku. Od 2002. do 2003. godine bio je zaposlen u Nezavisnoj pravosudnoj komisiji. Radio je kao pripravnik u Općinskom sudu u Čitluku, te kao stručni saradnik u tužilaštvu HNŽ/K. Od 2003. do 2004. godine radio je kao pravnik u pravnom odjelu Ureda Visokog predstavnika (OHR) u Mostaru. U periodu od 2004. do 2009. godine obavljao je dužnost tužioca Kantonalnog tužilaštva HNŽ/K. Od 2009. do 2010. godine bio je pomoćnik ombudsmena za ljudska prava u područnom uredu u Mostaru. Nakon toga, od 2010. do 2012. godine radio je u Agenciji za školovanje i stručno usavršavanje kadrova BiH kao pomoćnik direktora za pravne i ekonomske poslove. Od 2012. godine je na poziciji tužioca Kantonalnog tužilaštva u Mostaru. Ukupno ima 19 godina radnog iskustva nakon položenog pravosudnog ispita.

#### Ostale relevantne informacije

Član je udruženja tužilaca FBiH, udruge za kriminologiju i kazneno pravo, udruženja pravnika HNK, udruženja za kriminologiju i krivično pravo. U periodu 2004. godine boravio na studijskom putovanju u SAD-u te sudjelovao gdje je sudjelovao na radionicama i seminarima. Boravio je u Velikoj Britaniji 2012. godine na policijskoj

akademiji Engleske u vezi policijske i pravosudne saradnje zemalja Jugoistočne Europ, te obrazovanja kadrova iz tih tijela vlasti. Prisustvovao je na mnogim seminarima kao edukator. Govori engleski i njemački jezik.

#### Ocjena i mišljenje

Respektabilno pravno iskustvo kandidata, te pokazani visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, preporučuju ga kao **vrlo dobrog** kandidata za poziciju sudije Ustavnog suda Federacije BiH.

### **ORAŠANIN BRANIMIR (S)**

Rođen 05.09.1959. godine, po nacionalnosti Srbin.  
Pravni fakultet završio 1982., a pravosudni položio 1985. godine.

#### Radno iskustvo

Ukupno pravno iskustvo poslije položenog pravosudnog ispita 33 godina i to sve provedeno u pravosuđu.

Profesionalnu karijeru započeo kao pripravnik 1984-1986. godine, a zatim stručni saradnik u Općinskom sudu 2 Sarajevo. Od 1986-2003. godine obavljao funkciju sudije Općinskog suda 2 Sarajevo, a od 2004-2007. godine bio na poziciji sudije Kantonalnog suda u Sarajevu. Od 2008. godine je sudija Suda BiH.

#### Ostale relevantne informacije

Član je Udruženja sudija Kantona Sarajevo, Udruženja sudija Federacije BiH i Udruženja sudija BiH. Prisustvovao brojnim seminarima organizovanim od strane CEST-a.

#### Ocjena i mišljenje

Relevantno pravno iskustvo kandidata, te u razgovoru pokazani visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH ga preporučuju kao **vrlo dobrog** kandidata za poziciju sudije Ustavnog suda Federacije BiH.

### **PERIĆ VELIMIR (H)**

Rođen 06.01.1976. godine u Demećima, općina Kiseljak, po nacionalnosti Hrvat. Pravni fakultet završio 28.06.2001. godine. na Pravnom fakultetu u Mostaru. Magistrirao 16.11.2006. godine na Pravnom fakultetu u Mostaru i stekao zvanje magistra pravnih znanosti.

#### Radno iskustvo

Ima ukupno 12 godina radnog iskustva nakon položenog pravosudnog ispita. Od 2001-2007. godine radio kao načelnik Sektora za pravna pitanja u Federalnom ministarstvu odbrane. Od 01.05.2007-31.10.2008. godine bio savjetnik predsjedatelja Doma naroda Federacije BiH za ustavno pravno i zakonodavnu oblast. Od 01.11.2008-02.05.2010. godine bio na poziciji savjetnika ministra pravde u Ministarstvu pravde Bosne i Hercegovine, a od 17.05.2010-02.01.2014. godine na poziciji savjetnika za

pravna pitanja u Ministarstvu obrane Bosne i Hercegovine. Od 03.01.2014. godine je na poziciji savjetnika Ustavnog suda Federacije Bosne i Hercegovine.

#### Ostale relevantne informacije

U listu Privredna štampa, zajedno sa prof.dr.sc. Borislavom Petrovićem i Mustafom Bisićem, 2011. godine, objavio knjigu "Međunarodno kazнено sudovanje". Poznaje engleski jezik. Prisustvovao brojnim seminarima:

- Seminar međunarodnog prava, OESS Minhen, 2004. godine
- Seminar pravni i praktični aspekti očuvanja mira, NATO Sarajevo, 2002. godine
- Seminar za mirovne operacije, NATO Brisel, 2002. godine
- Seminar europskog prava i EU integracija, NATO Brisel, 2003. godine

#### Ocjena i mišljenje

Na osnovu navedenih referenci kandidata, te kroz razgovor pokazani stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da se radi o **vrlo dobrom** kandidatu za poziciju sudije Ustavnog suda Federacije BiH.

### **SCHORR BRANKA (S)**

Rođena 01.05.1954. godine u Ulogu. Po nacionalnosti Srkinja. Pravni fakultet završila 1980. godine a pravosudni položila 1982. godine.

#### Radno iskustvo

Ima ukupno 30 godina radnog iskustva nakon položenog pravosudnog ispita. Svoju karijeru je započela 1976. u „Hiroinženjering“ Sarajevo kao pomoćnik u administraciji u trajanju od godinu dana. Od 1981. do 1982. godine radila je kao pripravnik u Republičkom javnom tužilaštvu Sarajevo. Od 1982. do 1985. godine radila je kao advokatski pripravnik sa položenim pravosudnim ispitom u Advokatskoj kancelariji Milišić Vladimira, a nakon toga od 1985. do 1986. godine radila bila zaposlena kao referent za pravna pitanja u „Zajednica osiguranja imovine i lica“ Sarajevo. U periodu 1986. do 1992. godine bila na poziciji sudije parničnog i privrednog odjeljenja u Općinskom sudu II u Sarajevu. Od 2001. do 2003. godine obavljala je dužnost sudije vanparničnog odjeljenja u Općinskom sudu II u Sarajevu, a od 2003. do 2013. godine bila je sudija Kantonalnog suda u Sarajevu. Od 2013. godine je na poziciji sudije Vrhovnog suda Federacije BiH.

#### Ostale relevantne informacije

Član je udruženja sudija Federacije BiH. Govori njemački jezik. Od 2001. godine prisustvovala je mnogobrojnim seminarima i edukacijama.

#### Ocjena i mišljenje

Navedeno pravno iskustvo kandidatkinje, kao i pokazani visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, preporučuju je kao **vrlo dobrog** kandidata za poziciju sudije Ustavnog suda Federacije BiH.

### **ŠABIĆ SMAJO (B)**

Rođen je 10.04.1972. godine, po nacionalnosti Bošnjak. Pravni fakultet završio 2000. godine, a pravosudni položio 2006. godine. Magistrirao je 2010. godine i doktorirao 2018. godine na Pravnom fakultetu u Zenici.

#### Radno iskustvo

Ima ukupno 14. godina radnog iskustva nakon položenog pravosudnog ispita. Od 1993. godine do 2002. godine radio je u Ministarstvu unutrašnjih poslova ZE DO kantona kao inspektor za organizovani i privredni kriminal. Od 2002. do 2007. godine bio je direktor Poliklinike Sunce u Zenici. Od 2007. do 2011. godine bio je općinski pravobranilac u Općinskom pravobranilaštvu u Kaknju. Od 2011. godine je sudija i predsjednik parničnog odjeljenja u Općinskom sudu u Zenici.

#### Ostale relevantne informacije

U periodu 2007. do 2011. godine bio član udruženja pravobranilaca Federacije BiH. Od 2009. do 2011. godine obavljao funkciju Predsjednika udruženja pravobranilaca Federacije BiH. Od 2011. godine član je udruženja sudija Federacije BiH, a od 2017. godine član predsjedništva udruženja sudija Federacije BiH. Od maja 2018. godine član i zamjenik predsjednika upravnog odbora CEST-a Federacije BiH. Član je radne grupe formirane od strane Ministarstva Pravde BiH zadužene za reformu zakona o izvršnom postupku. Jedan od edukatora u CEST-a FBiH i vanjski saradnik predavača na Pravnom fakultetu u Zenici. Objavio je mnoge stručne radove:

„Osiguranje od odgovornosti za štetu pričinjenu medicinskog greškom“, Anali Pravnog fakulteta u Zenici;

„Fiktivne firme kao oblik privrednog kriminala i pranja novca u Bosni i Hercegovini“;

„Zaštita prava etažnog vlasništva“, Anali Pravnog fakulteta u Zenici;

„Organizacija pravni i materijalni položaj pravobranilaca u Federaciji Bosne i Hercegovine“;

„Pravni položaj parničnih stranaka kod objektivne preinake tužbe u toku pripremnog ročišta“, Anali Pravnog fakulteta u Zenici;

„Bosna i Hercegovina na putu reforme izvršnog postupka u proceduri objavljivanja“.

#### Ocjena i mišljenje

Vrlo respektabilno radno iskustvo kandidata stečeno na poslovima tužioca i sudije u redovnom pravosuđu, doprinos pravnoj nauci i sudskoj praksi kroz objavljene i radove, te kroz učešće, kao predavač na seminarima i konferencijama, preporučuju ga kao **vrlo dobrog** kandidata za funkciju sudije Ustavnog suda Federacije BiH.

### **TULUMOVIĆ MUHAMED (B)**

Rođen 20.03.1967. godine, po nacionalnosti Bošnjak.

Pravni fakultet završio 1992. godine, a pravosudni ispit položio 1997. godine. Magistrirao 2015. godine, a doktorirao 2019. godine na Pravnom fakultetu u Tuzli.

#### Radno iskustvo

Od 1995. do 1996. godine bio je stručni saradnik u Općinskom sudu u Živinicama, a od 1996. do 1997. godine sekretar Općinskog suda u Živinicama. U 1997. godini, 6 mjeseci je obavljao dužnost Sekretara Općinskog vijeća Živinice, nakon čega je 1997. godine imenovan na poziciju sudije Općinskog suda u Živinicama, a koju dužnost je obavljao do 2004. godine. U periodu od 2004. do 2008. godine bio je predsjednik

Općinskog suda u Živinicama. Od 2009. do 2012. godine bio je direktor Sekretarijata VSTV-a BiH. Od 2013. godine predsjednik je Općinskog suda u Tuzli.

#### Ostale relevantne informacije

Član je Predsjedništva Udruženja sudija Federacije BiH. Od 2000. godine član je Udruženja sudija BiH, a od 1998. godine član Udruženja izbornih zvaničnika BiH. U periodu od 2001-2003. godine bio je predsjednik Regionalnog ogranka UIZBiH Tuzla i član Upravnog odbora UIZBiH. Učestvovao na mnogim seminarima i edukacijama. Govori engleski, njemački i ruski jezik. Objavio je mnogobrojne naučne radove:

„Pritužba o neprovođenju i obustavi istrage u praksi Kantonalnog tužilaštva Tuzlanskog kantona“;

„Imovinskopravni zahtjev oštećenog u zakonodavstvu i sudskoj praksi u Federaciji Bosne i Hercegovine“;

„Krivično djelo nasilje u porodici u praksi općinskih sudova Tuzlanskog kantona“;

„Status oštećenog u posebnim postupcima u krivičnom procesnom zakonodavstvu u Bosni i Hercegovini“;

„Komparativni prikaz položaja oštećenog u krivičnoprocesnima zakonodavstima u Bosni i Hercegovini i Republike Srbije“;

„Pravna pozicija punoljetnog oštećenog u krivičnom zakonodavstvu u Bosni i Hercegovini u svjetlu restorativne pravde“;

„Restorativna pravda uz osvrt na međunarodnu regulativu i primjenu u maloljetničkom zakonodavstvu“ i „Nasilje nad starijim osobama-pravni, lingvistički i sociološki pristup“.

#### Ocjena i mišljenje

Na osnovu navedenih pokazatelja o relevantnom radnom, te akademskom iskustvu i dostignućima kandidata, te značajnog doprinosa krivično - pravnoj nauci i sudskoj praksi kroz objavljene stručne i naučne radove, kao i kroz razgovor pokazani stepen poznavanja ustavno pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **vrlo dobar** kandidat za pozicije sudije Ustavnog suda Federacije BiH.

#### GRUPA III (dobri)

##### BISIĆ MUSTAFA (B)

Rođen 18.04.1956. godine u Ilijašu, po nacionalnosti Bošnjak. Pravni fakultet završio 1978. god. u Sarajevu a pravosudni ispit položio 1979. godine. Doktorirao je 2016. godine na Univerzitetu na Travniku.

#### Radno iskustvo:

Prvo radno iskustvo započeo na sudu gdje je radio kao sudski pripravnik i stručni saradnik 2 godine, 8 godina je bio sudija općinskog suda, 10 godina kao tužilac i glavni tužilac u općinskom i kantonalnom tužilaštvu, a ostalo iskustvo je izvan pravosuđa.

Od 2005. godine obavlja poslove pomoćnika ministra u Ministarstvu pravde BiH i to pomoćnik ministra za izvršenje krivičnih sankcija i rad kaznene ustanove Ministarstva pravde BiH.

Na funkciji koju trenutno obavlja, sačinio je veliki broj mišljenja svim kazneno-popravnim zavodima u BiH u pogledu tumačenja i primjene zakonskog ili podzakonskog propisa, a što je zahtijevalo primjenu međunarodnih standarda iz oblasti izvršenja krivičnih sankcija.

#### Ostale relevantne informacije:

Odlukom Vijeća Ministara od 29.12.2005. godine, imenovan je u Pregovarački tim Bosne i Hercegovine u vezi pregovaranja i zaključivanja Sporazuma o stabilizaciji i pridruživanju, u svojstvu šefa tima. Radeći u Ministarstvu pravde BiH, izradio je više zakonskih i podzakonskih akata, s ugrađenih više od 1300 pravnih normi. Objavio je nekoliko knjiga i više članaka i referata na konferencijama. Neke od objavljenih knjiga su : „ Ratni zločin i genocid“, „Ratni zločin i genocid sa zbirkom pravnih dokumenata i sudskom praksom“, te „ Zbirka sudskih odluka u oblasti krivičnog prava“. Takođe je, kao koautor, objavio knjige: „Obuka za genocid“, „Zbirka zakona iz oblasti krivičnog prava“, „Primjena propisa o izvršenju krivičnih sankcija, pritvora i drugih mjera u Bosni i Hercegovini“, objavljena 2009. godine.

Učestvovao u radu na pravnoj klinici Pravnog fakulteta Univerziteta u Sarajevu iz oblasti krivičnog prava.

#### Ocjena i mišljenje:

Vrlo respektabilno radno iskustvo kandidata stečeno na poslovima tužioca i sudije u redovnom pravosuđu, te na funkciji koju obavlja u Ministarstvu pravde Bosne i Hercegovine, doprinos pravnoj nauci i sudskoj praksi kroz objavljene knjige i radove, te kroz učešće, kao predavač na seminarima i konferencijama, preporučuju ga kao **dobrog** kandidata za funkciju sudije Ustavnog suda Federacije BiH.

### **DUJAKOVIĆ BOJAN (S)**

Rođen je 03.12.1955. godine, po nacionalnosti Srbin. Pravni fakultet završio 1978. godine, a pravosudni ispit položio 1981. godine u Sarajevu.

#### Radno iskustvo

Od 1981. do 1984. godine bio je stručni saradnik u Opštinskom sudu II u Sarajevu, a od 1985. do 1992. godine bio je zamjenik javnog tužioca u Opštinskom javnom tužilaštvu II u Sarajevu. Od 1996. do 2000. godine bio je na poziciji zamjenika javnog tužioca u Okružnom javnom tužilaštvu u Doboju. Od 2000. do 2003. godine radio je kao domaći pravnik UN misije u BiH, a od 2005. do 2011. godine kao posmatrač suđenja OSCE misije u BiH. Od 2011. godine je savjetnik Ustavnog suda FBiH. Ukupno ima 29. godina radnog iskustva nakon položenog pravosudnog ispita.

#### Ostale relevantne informacije

Govori engleski, njemački i ruski jezik. Učestvovao je na više seminara i edukacija.

#### Ocjena i mišljenje

Imajući u vidu navedene reference kandidata, prvenstveno njegovo respektabilno radno iskustvo u pravosuđu od 29 godina, te kroz razgovor pokazani stepen poznavanja ustavno pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **dobar** kandidat za poziciju sudije Ustavnog suda Federacije BiH.

### **KADRIĆ REMZIJA (B)**

Rođen 29.01. 1955. godine u Rogatici, po nacionalnosti Bošnjak. Pravni fakultet završio u Sarajevu 1979. godine, a pravosudni ispit položio u Prištini 1990. godine. Magistrirao je 2008. godine na Pravnom fakultetu u Zenici, a doktorirao 2012. godine na Univerzitetu u Novom Pazaru gdje je stekao zvanje doktor nauka.

#### Radno iskustvo

Ima ukupno 15. godina. radnog iskustva nakon položenog pravosudnog ispita. Svoju karijeru započeo 1985. godine kao sekretar doma zdravlja do 1992. (7 godina), zatim od 1993. do 1999. stručni saradnik za pravne poslove SDA. Od 2000. do 2003. radio je kao advokat u RS-u. Od 2003. do 2010. (7 godina) poslanik Narodne Skupštine RS-a, a u periodu od 2003. do 2005. predsjedavajući Vijeća naroda RS-a. Od 2013. do 2014. godine bio je savjetnik ministra u Ministarstvu sigurnosti BiH, a od 2014. do 2016. godine bio je savjetnik direktora i šef kabineta direktora Agencije za policijsku podršku. Od 2016. radi kao savjetnik ministra za pravna pitanja u Ministarstvu za rad i socijalnu politiku FBiH.

Navodi da je 15 godina ukupno radio kao poslanik, te je u tom periodu bio i član ustavne komisije pri Narodnoj Skupštini RS-a, kada su se pripremali i donosili amandmani na Ustav RS-a u provedbi odluke Ustavnog suda BiH o konstitutivnosti naroda.

#### Ostale relevantne informacije

Autor je mnogih knjiga, stručnih i naučnih radova. Učestvovao je na mnogim seminarima, obukama i edukacijama. Govori engleski jezik. Bio je član SDA stranke i Stranke za BiH.

#### Ocjena i mišljenje

Navedene reference kandidata, te kroz razgovor pokazani nivo poznavanja nadležnosti i postupka pred ustavnim sudovima u BiH, uključujući i specifičnosti vezane za Ustavni sud FBiH, ga preporučuju kao **dobrog** kandidata za poziciju sudije Ustavnog suda Federacije BiH.

### **LATIĆ SANELA (B)**

Rođena je 07.11.1969. godine u Sarajevu, po nacionalnosti je Bošnjakinja. Pravni fakultet završila 1992. godine u Sarajevu, a pravosudni ispit položila 2005. godine. Magistrirala je 2010, a doktorirala 2015. godine na Pravnom fakultetu u Sarajevu.

#### Radno iskustvo

Od 1999. do 2002. godine, radila je kao rukovodilac službe za kulturu u Općinskoj upravi Stenokkerzeel u Briselu. Od 2008. godine radi kao šef Odsjeka za saradnju sa domaćim i međunarodnim pravosudnim tijelima i uporedno pravo u Ministarstvu pravde Bosne i Hercegovine. Ima ukupno 13 godina radnog iskustva nakon položenog pravosudnog ispita. Na Pravnom fakultetu Internacionalnog Univerziteta, u svojstvu docenta doktora pravnih nauka, predaje predmete „Krivično pravo“ i „Penologija“. Takođe, angažirana je i na Pravnom fakultetu u Sarajevu, na Pravnom fakultetu Sveučilišta „Vitez“ i na Fakultetu za kriminalistiku, kriminologiju i sigurnosne studije Univerziteta u Sarajevu.

#### Ostale relevantne informacije



Od 2011. do 2015. godine bio je stalni član tročlane delegacije BiH zadužene za pravnu oblast u Moneyval komitetu Vijeća Europe u Strazburu-Komitet za sprečavanje pranja nova i financiranja terorizma. Od 2015. godine šef je Stalne delegacije BiH za Komitet strana potpisnica Varšavske konvencije o pranju, traženju, zapljeni i oduzimanju imovinske koristi stečene krivičnim djelima. Član je upravnog tijela Regionalnog vijeća za saradnju RCC za Strategiju za pravosuđe i unutrašnje poslove-SGRS. Predsjednik komisije za polaganje stručnog upravnog ispita za rad u institucijama BiH. Član je Upravnog odbora zajedničkog projekta Europske unije i Vijeća Europe „Jačanje institucije ombudsmana za ljudska prava u borbi protiv diskriminacije“, te je član Državne radne grupe za izradu Procjene rizika od pranja novca i financiranja terorizma u BiH. Govori engleski i holandski jezik. Stalni sudski tumač za holandski jezik u BiH. Autor je mnogih stručnih radova. Učestvovala je na mnogobrojnim seminarima, edukacijama i obukama.

#### Ocjena i mišljenje

Navedene reference kandidatkinje vezane za radno iskustvo na pravnim poslovima, te u razgovoru pokazani nivo poznavanja ustavno pravne materije, uključujući i specifičnosti u pogledu nadležnosti i postupka pred ustavnim sudovima u BiH, preporučuju je kao **dobrog** kandidata za poziciju sudije Ustavnog suda Federacije BiH.

### **PLOŠKIĆ MEVSUDA (B)**

Rođena 13.11.1953. godine u Ilijašu, po nacionalnosti Bošnjakinja. Pravni fakultet završila u Sarajevu 1977. godine, a pravosudni ispit položila 1979. godine u Sarajevu.

#### Radno iskustvo

Ima ukupno 36 godina radnog iskustva nakon položenog pravosudnog ispita. Od 1978. do 1979. godine radila kao sudijski pripravnik u Sudu udruženog rada u Sarajevu. Od 1980. do 1982. godine radila kao samostalni referent u Skupštini opštine Novo Sarajevo. Od 1982. do 1994. godine radila kao stručni saradnik u Vrhovnom sudu Republike BiH, a od 1998. godine do 2005. godine radila kao sudijski savjetnik u Vrhovnom sudu Federacije BiH. Od 2005. godine nalazi se na poziciji dodatnog sudije Vrhovnog suda Federacije BiH.

#### Ostale relevantne informacije

Od 2005. godine je član Udruženja sudija Federacije BiH. Govori engleski jezik.

#### Ocjena i mišljenje

Pravno iskustvo kandidatkinje stečeno na pravnim poslovima kao stručni saradnik, stručni savjetnik i sudija Vrhovnog suda FBiH, te drugo relevantno radno iskustvo na pravnim poslovima, kao i kroz razgovor pokazani stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH je preporučuju kao **dobrog** kandidata za poziciju sudije Ustavnog suda Federacije BiH.

### **ZUPAREVIĆ SAMIR (B)**

Rođen 15.09.1969. godine u Travniku, po nacionalnosti Bošnjak. Pravni fakultet završio u Sarajevu 1998. godine, a pravosudni ispit položio 2014. godine. Magistrirao

je 1995. godine na Pravnom fakultetu u Sarajevu, a doktorirao 2009. godine na Pravnom fakultetu u Zenici, gdje je stekao zvanje doktor pravnih nauka.

#### Radno iskustvo

Od 1998. do 2002. godine radio je kao stručni saradnik za pravne poslove u JP PTT BiH p.o. Sarajevo, Direkcija PTT Jajce-Travnik. Od 2002. godine do 2004. godine bio je šef službe u službi za pravne, kadrovske i opće poslove, zatim od 2004. do 2005. sef službe za poštanski i novčani promet i od 2005. godine sef službe za poštansku eksploataciju u „JP BH POŠTA „ d.o.o. Sarajevo, Centar pošta Travnik.

#### Ostale relevantne informacije

Objavio je 4 knjige i 6 naučnih i stručnih radova. Govori engleski jezik. Od 2012. godine predaje na Fakultetu pravnih nauka Sveučilišta „Vitez“ u Vitezu. U periodu 2010-2011 bio je univerzitetski nastavnik u zvanju docenta na Internacionalnom Univerzitetu Philip Noel-Baker Sarajevo. Od 2009 do 2010. godine bio je univerzitetski nastavnik u zvanju docenta na Pravnom fakultetu u Travniku. Od 2005-2009. godine viši asistent na Pravnom fakultetu Univerziteta u Zenici. Učestvovao je na mnogim konferencijama i znanstvenim projektima. Kandidat ima dugogodišnji radni staž i radno iskustvo u privredi(25 godina) te radno iskustvo u naučno-nastavnim ustanovama (13 godina).

#### Ocjena i mišljenje

Imajući u vidu relevantno radno iskustvo kandidata na pravnim poslovima , te kroz razgovor pokazani stepen poznavanja ustavno pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **dobar** kandidat za poziciju sudije Ustavnog suda Federacije BiH

Bosna i Hercegovina  
FEDERACIJA BOSNE I HERCEGOVINE  
USTAVNI SUD  
FEDERACIJE BOSNE I HERCEGOVINE

Broj: S-93-2/18  
Sarajevo, 17.9.2019. godine

BOSNA I HERCEGOVINA  
VISOKO SUDSKO I TUŽILAČKO VIJEĆE BiH  
SARAJEVO

PRIMLJENO: 18-09-2019			
Uzročnik Jednaka	Klasifikacija Priglas	Priglas broj	Broj priglas
04-07-2-1990		18	8

CC: 01

VISOKO SUDSKO I TUŽILAČKO VIJEĆE  
BOSNE I HERCEGOVINE

n/r predsjednika, Milan Tegeltija

**PREDMET: Mišljenje o kandidatima za poziciju Ustavnog suda Federacije  
Bosne i Hercegovine**

Veza: Vaš broj: 04-07-02-1990-7/2019

Poštovani,

U skladu sa odredbom člana 11. stav 1. alineja 5. Odluke o položaju, organizaciji, funkcionisanju, samostalnosti i upravno-materijalnoj nezavisnosti Ustavnog suda Federacije Bosne i Hercegovine („Službene novine Federacije BiH“, broj: 6/18), Ustavni sud Federacije Bosne i Hercegovine je na sjednici održanoj dana 17.9.2019. godine, utvrdio mišljenje o kandidatima za poziciju sudije Ustavnog suda Federacije Bosne i Hercegovine.

Shodno do sada iskazanim stavovima Ustavnog suda Federacije Bosne i Hercegovine u pogledu objektiviziranih uslova za izbor najboljih kandidata, a nakon razmatranja Vašeg podneska broj gornji u koji su uvršteni svi kandidati koji su pristupili razgovoru, načelno ističemo da prednost u predlaganju konačne liste kandidata i upućivanje iste u dalju proceduru imenovanja dajemo podjednako i to: kandidatima sa kumulativno ispunjenim uslovima naučnog zvanja doktora pravnih nauka koji pritom imaju najrelevantnije radno iskustvo iz oblasti ustavnog prava, prava ljudskih prava i fundamentalnih pravnih disciplina, zatim, takođe podjednako i kandidatima koji su dugogodišnje karijerne sudije vrhovnih sudova u Bosni i Hercegovini i/ili Apelacionog odjela Suda Bosne i Hercegovine, te svakako kandidatima iz akademske zajednice, profesorima fundamentalnih pravnih disciplina sa višegodišnjim predavačkim iskustvom.

Nakon analize podataka koje ste dostavili za sve kandidate, u smislu naprijed navedenog, utvrdili smo da prema raspoloživim podacima na listi ima kandidata koji su doktori pravnih nauka sa relevantnim dosadašnjim radnim iskustvom i dugogodišnjih sudija vrhovnog suda. Stoga smo stava da ti kandidati trebaju biti uvršteni u Vašu listu konačnih prijedloga, uz napomenu da se ne protivimo stavljanju na konačnu listu i drugih kandidata koji se nalaze na listi koju ste nam dostavili.

Istovremeno Vas podsjećamo da prema Amandmanu XLVIII na Ustav Federacije Bosne i Hercegovine. Ustavni sud Federacije se sastoji od devet sudija, od kojih su najmanje po dva iz reda sva tri konstitutivna naroda i jedan iz reda Ostalih. Trenutno je Ustavni sud Federacije Bosne i Hercegovine popunjen sa pet sudija, od kojih je jedan sudija iz reda bošnjačkog konstitutivnog naroda, dvoje sudija iz reda hrvatskog konstitutivnog naroda, jedan sudija iz reda srpskog konstitutivnog naroda i jedan sudija iz reda Ostalih. Stoga je nužno i neophodno u najhitnijem roku popuniti sastav Suda na način da najmanje po jedan sudija bude pripadnik bošnjačkog i srpskog konstitutivnog naroda. Obzirom na proceduru izbora za tri sudijske pozicije po ovom konkursu, a podsjećamo Vas i urgiramo hitno postupanje po našem zahtjevu za popunu još jedne sudijske pozicije koju smo pokrenuli u julu o.g., izuzev navedene ustavne obaveze u odnosu na ukupan sastav suda, ostale nepopunjene sudijske funkcije nisu uslovljene ničim izuzev odredbom Ustava Federacije Bosne i Hercegovine.

Amandmanom XXXIII na Ustav Federacije Bosne i Hercegovine, u okviru Ustavnog suda Federacije Bosne i Hercegovine iz reda sudija suda formira se Vijeće za zaštitu vitalnih interesa ( u daljem tekstu: Vijeće). Sastoji se od sedam članova Vijeća, i to po dva iz svakog konstitutivnog naroda i jedan iz reda Ostalih. Trenutni saziv Vijeća je u sastavu od četvoro sudija- članova Vijeća, po jedan iz svakog konstitutivnog naroda i jedan iz reda Ostalih. Nakon imenovanja i popune sastava Ustavnog suda Federacije Bosne i Hercegovine, nužno će biti imenovati i sudije koji će biti članovi Vijeća, tako da je minimalno potrebno popuniti Vijeće sa po jednim sudijom iz reda bošnjačkog, hrvatskog i srpskog konstitutivnog naroda, s tim što, bez ikakvog prejudiciranja imenovanja sastava sudija suda po etničkoj pripadnosti izuzev propisanog naprijed navedenim odredbama Ustava Federacije Bosne i Hercegovine, napominjemo da u sadašnjem sastavu Suda je sudija Vesna Budimir iz reda hrvatskog konstitutivnog naroda, koja nije član Vijeća.

Koristimo priliku da zamolimo da nam dostavite na znanje kopiju Vašeg konačnog prijedloga liste kandidata za imenovanje sudija ovog suda , koji ćete uputiti predsjedniku i potpredsjednicima Federacije Bosne i Hercegovine u dalju proceduru.



Predsjednica  
Ustavnog suda Federacije  
Bosne i Hercegovine

*Aleksandra Martinović*  
**Aleksandra Martinović**

Kopije dostaviti:

- svim članovima VSTV BiH;
- predsjedniku Federacije Bosne i Hercegovine;
- potpredsjednicima Federacije Bosne i Hercegovine.



Broj: 04-07-3-338-2/2021  
Sarajevo, 26.2.2021. godine

*Calif  
26.02/21*

**FEDERACIJE BOSNE I HERCEGOVINE**  
**N/r Marinko Čavara, predsjednik**  
**N/r Melika Mahmutbegović, potpredsjednica**  
**N/r Milan Dunović, potpredsjednik**

**Predmet:** Prijedlog kandidata za sudiju Ustavnog suda Federacije BiH

Poštovani,

Nakon provedene konkursne procedure za imenovanje jednog (1) sudije Ustavnog suda Federacije BiH, shodno odredbama člana 17. tačka 3. Zakona o Visokom sudskom i tužilačkom vijeću BiH, u prilogu Vam dostavljamo prijedlog kandidata za Ustavni sud Federacije BiH usvojen na sjednici Visokog sudskog i tužilačkog vijeća Bosne i Hercegovine (u daljem tekstu: Vijeće), održanoj 24. februara 2021. godine.

Na navedenoj sjednici, Vijeće je utvrdilo listu od jedanaest (11) kandidata koji su svrstani u tri grupe, u skladu sa dobijenom opisnom ocjenom, i to :

- a) grupu I - ocjena odličan,
- b) grupu II - ocjena vrlo dobar,
- c) grupu III - ocjena dobar.

Na listi prijedloga, kandidati su navedeni po grupama abecednim redom, kako slijedi:

Grupa I (odličan)

- 1) Boris Barun
- 2) Branimir Orašanić
- 3) Ljubomir Ožegović
- 4) Ognjenka Škoro
- 5) Alen Taletović

Grupa II (vrlo dobar)

- 1) Enver Išerić
- 2) Branka Schorr
- 3) Smajo Šabić
- 4) Samir Zuparević

Grupa III (dobar)

- 1) Jozo Anđić
- 2) Bojan Dujaković

U skladu sa članom 17. stav 1. tačka 3. Zakona o Visokom sudskom i tužilačkom vijeću BiH, prije formiranja konačne liste prijedloga, Vijeće je zatražilo pismeno mišljenje Ustavnog suda Federacije BiH.

Ustavni sud Federacije BiH je, dana 21.01.2021. godine, dostavio pismeno Mišljenje, broj: S-59-7/19 od 19.01.2021. godine, u kojem se navodi da Ustavni sud predlaže da se kandidati sa kumulativno ispunjenim uslovima naučnog zvanja doktora pravnih nauka i kandidati koji imaju najrelevantnije radno iskustvo iz oblasti ustavnog prava, prava ljudskih prava i fundamentalnih pravnih disciplina, kao i kandidatima koji su dugogodišnje karijerne sudije vrhovnih sudova u BiH i/ili Apelacionog odjela Suda BiH, budu uvršteni u listu konačnih prijedloga, uz napomenu da bi bilo poželjno izbjeći uvrštavanje na konačnu listu kandidata koji se mogu dovesti u vezu sa političkim strankama i političim imenovanjima.

U prilogu se dostavlja sažetak biografija i mišljenje o predloženim kandidatima sa podacima o nacionalnosti kandidata, kao i pomenuto Mišljenje Ustavnog suda Federacije BiH.

S poštovanjem,



Prilog:

- Sažetak biografija i mišljenje o predloženim kandidatima;
- Mišljenje Ustavnog suda Federacije BiH, broj: S-59-7/19 od 19. januara 2021. godine.

Dostaviti:

- 1) Naslovu;
- 2) Ustavni sud Federacije BiH;
- 3) a/a



# PRIJEDLOG KANDIDATA ZA USTAVNI SUD FEDERACIJE BiH

## Kandidati su upisani abecednim redom

### GRUPA I (odlični)

#### BARUN BORIS (H)

Rođen 03.01.1974. godine, po nacionalnosti Hrvat. Pravni fakultet završio 2003. godine, a pravosudni ispit položio 29.03.2006. godine u Sarajevu. Magistrirao je 2017. godine na Pravnom fakultetu u Banja Luci.

#### Radno iskustvo

Ima ukupno 14 godina radnog iskustva nakon položenog pravosudnog ispita. Od 1997. do 2003. godine bio je zaposlen kao stručni saradnik za poslove tajništva Vlade Hercegbosanske županije. U periodu 2003-2006. godine bio je profesionalni zastupnik Skupštine Hercegbosanske županije. Nakon toga, od 2006. do 2014. godine radio je u J.P. „Elektroprivreda HZHB“ d.d. Mostar, prvobitno na poziciji samostalnog referenta za pravne poslove, zatim kao rukovoditelj službe za pravne poslove i rukovoditelj 2. pogon Livno i nakon toga kao samostalni referent za pravne poslove. U 2014. godini, pet mjeseci je radio kao profesionalni zastupnik u Skupštini Hercegbosanske županije, a nakon toga kao stručni saradnik u Uredu izvršnoga direktora za distribuciju u J.P. „Elektroprivreda HZHB“ d.d. Mostar. Od 2014. do 2018. godine je bio profesionalni zastupnik u Parlamentu Federacije Bosne i Hercegovine-Zastupnički dom, a od 2018. godine radi kao stručni saradnik u Uredu izvršnoga direktora za distribuciju u J.P. „Elektroprivreda HZHB“ d.d. Mostar.

#### Ostale relevantne informacije

Objavio je monografiju „Entiteti u ustavnopravnom sustavu Bosne i Hercegovine“, Grafomark, Banja Luka 2017. Od 2003. do 2007. bio je član komisije Federalnog ministarstva pravde za polaganje stručnog odgojiteljskog ispita i ispita stražara u federalnim ustanovama za izvršenje kazne zatvora. Od 2005. do 2007. godine bio je član komisije Federalnog ministarstva pravde za polaganje stručnog upravnog ispita namještenika organa uprave u FBiH, kao i u periodu od 2007. do 2009. godine. Govori engleski jezik. U periodu 2016-2017. godine bio je predsjednik komisije Ministarstva pravde Hercegbosanske županije za polaganje stručnog upravnog ispita namještenika i vježbenika Više školske spreme. Od 2017. godine član je komisije Federalnog ministarstva pravde za predlaganje sporazuma o naknadi štete zbog neosnovanog pritvora i predsjednik komisije ministarstva pravde Hercegbosanske županije za polaganje stručnog upravnog ispita namještenika i vježbenika Više školske spreme. Od 2019. godine član je ustavne komisije Zastupničkog doma Parlamenta FBiH. Član je HDZ-a BiH.

#### Ocjena i mišljenje



Imajući u vidu navedene reference kandidata i to prvenstveno njegovo respektabilno radno iskustvo stečeno na raznovrsnim pravnim poslovima, te kroz razgovor pokazani stepen poznavanja ustavno pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **odličan** kandidat za pozicije sudije Ustavnog suda Federacije BiH.

### **ORAŠANIN BRANIMIR (S)**

Rođen 05.09.1959. godine, po nacionalnosti Srbin. Pravni fakultet završio 08.11.1982. na Pravnom fakultetu Univerziteta u Sarajevu, a pravosudni položio 19.11.1985. godine u Sarajevu.

#### **Radno iskustvo**

Ukupno pravno iskustvo nakon položenog pravosudnog ispita je 35 godina i to sve provedeno u pravosuđu. Profesionalnu karijeru započeo kao pripravnik 01.10.1984-31.12.1985. godine u Upravnom sudu SR BiH, a zatim stručni saradnik u Općinskom sudu 2 Sarajevo od 01.01.1986. – 27.11.1986. godine. Od 27.11.1986. – 30.06.1997. godine obavljao funkciju sudije Općinskog suda 2 Sarajevo. U periodu od 30.06.1997. – 31.12.2003. godine sudija u Općinskom sudu 2 Sarajevo. Od 01.01.2004 - 31.12.2007. godine bio na poziciji sudije Kantonalnog suda u Sarajevu. Od 2008. godine je sudija Suda BiH.

#### **Ostale relevantne informacije**

Član je Udruženja sudija Kantona Sarajevo, Udruženja sudija Federacije BiH i Udruženja sudija BiH. U dva mandata član Nezavisnog odbora za izbor i reviziju policijskog komesara Kantona Sarajevo i član Nezavisnog odbora Parlamenta Federacije BiH. Prisustvovao brojnim seminarima organizovanim od strane CEST-a. Prisustvovao brojnim obukama i seminarima:

#### **Ocjena i mišljenje**

Relevantno pravno iskustvo kandidata, kao i u razgovoru pokazan visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, ga preporučuju kao **odličnog** kandidata za poziciju sudije Ustavnog suda Federacije BiH.

### **OŽEGOVIĆ LJUBOMIR (S)**

Rođen 15.02.1963. godine u Sanskom Mostu, po nacionalnosti Srbin. Pravni fakultet završio 1987. godine, pravosudni ispit položio 1982. godine u Banja Luci. Magistrirao 2012. godine na Pravnom fakultetu u Banjaluci i stekao stručni naziv „magistar ustavno-pravnih nauka“. Doktorirao 2017. godine na Pravnom fakultetu u Banjaluci i stekao stručni naziv „doktor pravnih nauka“.

#### **Radno iskustvo**

Kandidat ima ukupno 18 godine radnog iskustva nakon polaganja pravosudnog ispita. Od 1988. do 1995. godine radio kao referent za imovinsko - pravne poslove i šef službe za opštu upravu u SO Sanski Most, a od 1995. do 1999. godine bio referent za pravne poslove u ZDP "Elementi automatike" Čelinac. Od 1999. do 2002. godine radio kao pravni savjetnik u MPDL, NVO "TERA", NVO IUSTITIA. U 2003. godini radio kao projekt menadžer u NVO „Iustitia“. Od 2003. do 2005. godine radio kao savjetnik Ustavnog suda Bosne i Hercegovine. U 2005. godini radio na poziciji višeg pravnog savjetnika sudije Ustavnog suda Bosne i Hercegovine. U periodu od 2005. do 2008. godine radio kao šef apelacionog odjela Ustavnog suda Bosne i Hercegovine. Nakon toga, u decembru 2008. godine prelazi na poziciju sekretara Ustavnog suda Republike Srpske.

#### Ostale relevantne informacije

Objavio više stručnih radova:

Monografija „Apelaciona nadležnost Ustavnog suda Bosne i Hercegovine“, Banja luka 2013;

„Uloga i funkcije Ustavnog suda BiH u pravnom sistemu države“, Banja Luka, 2018;

„Jedan osvrt na institucionalnu zaštitu ljudskih prava u BiH“, Beograd, 2015;

„Neke kontroverze apstraktne normativne kontrole Ustavnog suda BiH“, Beograd, 2013;

„Treba li BiH jedan vrhovni sud?“, Sarajevo, 2011.

Učestvovao na više seminara i savjetovanja u svojstvu edukatora, referenta i učesnika. Od 2008. godine član Udruženja pravnika Republike Srpske. Prisustvovao mnogobrojnim seminarima i obukama. Govori engleski jezik.

#### Ocjena i mišljenje

Vrlo respektabilno radno iskustvo kandidata stečeno na poslovima pri ustavnim sudovima, doprinos pravnoj nauci i sudskoj praksi kroz objavljene knjige i radove, odgovarajući stepen poznavanja ustavno-pravne materije, uključujući nadležnosti i postupak pred ustavnim sudovima u BiH, koji je kroz razgovor pokazao, te kroz učešće, kao predavač na seminarima i konferencijama, preporučuju ga kao **odličnog** kandidata za funkciju sudije Ustavnog suda Federacije BiH.

### **ŠKORO OGNJENKA (S)**

Rođena 04.08.1959. godine, po nacionalnosti Srпкиnja. Pravni fakultet je završila 26.01.1983. godine na Pravnom fakultetu Univerziteta u Sarajevu. Pravosudni ispit je položila 08.10.1984. godine u Ministarstvu pravde BiH.

#### Radno iskustvo

Ima ukupno 35 godina radnog iskustva nakon položenog pravosudnog ispita. Od 10.05.1983. godine do 09.08.1984. godine bila je pripravnik na Okružnom sudu Sarajevo i obavljala obuku na svim poslovima u pisarnama, ZK uredu, obuka za sudiju. Nakon toga, od 03.01.1985. do 30.09.1988. godine bila je referent za pravne poslove u sektoru pravosuđa u Republičkom sekretarijatu za pravosuđe i upravu SRBiH i

obavljala poslove obrada upravnih akata, nakon toga rukovođenje pravnom službom, te nakon toga inspekcija rada sudova u BiH. Od 30.09.1998. do 31.07.1992. godine bila je republički inspektor u Republičkom sekretarijatu za pravosuđe i upravu. Imenovana je za sudiju u Osnovnom sudu Vlasenica 26.08.1992. do 20.11.1992. godine. Od 20.08.1993. do 20.11.1993. godine bila je v.d. predsjednik suda Osnovnog suda Vlasenica. Od 20.11.1993. do 22.02.2000. godine bila je sudija u Osnovnom sudu Vlasenica. Na funkciji načelnika pravnog odjeljenja u MUP Republike Srpske bila je od 22.02.2000. do 01.06.2000. godine. Od 01.06.2000. do 01.02.2004. godine bila je sudija u Općinskom sudu 2 Mostar. Od 02.02.2004. godine je sudija Općinskog suda u Mostaru. Od 02.02.2004. godine je obavljala funkciju predsjednice suda do 02.02.2008. godine.

#### Ostale relevantne informacije

Član je udruženja sudija. Od 2012. godine do oktobra 2015. godine bila je član Komisije za polaganje pravosudnog ispita, formirane od strane Federalnog ministarstva pravde kao ispitivač za predmet Ustavno pravo. U periodu od januara 1991. godine do decembra 1996. godine bila je sudija u Osnovnom sudu u Vlasenici RS i radila je na svim referatima osim izvršnog. Objavila je mnoge naučne radove na temu Borba protiv korupcije – paralele regiona, Nevladina Organizacija KYODO. Radila je radove na zadate teme, elektronske aplikacije, Pravni fakultet u Bolonji u Italiji i radila je deset tema (pravo djeteta, korupcija, organizacija sudova-lokalno sudstvo link: The International Criminal Court (ICC) od 2003. do 2004. godine dobijen status evropskog sudije. Prisustvovala je obukama: Razvoj demokratizacije, zaštita ljudskih prava – zlostavljanje djece u oktobru 2002. godine, Saobraćajni kurs za lica sa posebnim ovlaštenjima – policija, maj 2000. godine, EKPU – 41-6. u 10. 2002. godine, Stop nasilju nad ženama i djecom – multimedijalni pristup, novembar 2001. godine.

#### Ocjena i mišljenje

Relevantno pravno iskustvo kandidatkinje, doprinos pravnoj nauci i sudskoj praksi kroz objavljene radove, te u razgovoru pokazani visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH preporučuju je kao **odličnu kandidatkinju** za poziciju sutkinje Ustavnog suda Federacije BiH.

#### **TALETOVIĆ ALEN (B)**

Rođen 11.04.1980. godine u Tuzli, po nacionalnosti Bošnjak. Pravni fakultet završio 28.06.2004.godine na Pravnom fakultetu Univerziteta u Sarajevu, a nakon toga 20.06.2012. godine magistrirao na Pravnom fakultetu Univerziteta u Sarajevu i stekao zvanje magistra. Pravnosudni ispit položio 26.09.2019. godine u Federalnom ministarstvu pravde u Sarajevu.

#### Radno iskustvo

Od 09.08.2004. do 10.02.2006. godine bio je pravni zastupnik u Konjuh d.d. Živinice, te dolazi do prekida radnog odnosa zbog prelaska na drugo radno mjesto. Nakon toga,

od 10.02.2006. godine do 10.02.2011. godine obavljao je dužnost savjetnika općinskog načelnika za pravne poslove u Općini Živinice, radio je na pripremanju i izvršavanju najsloženijih općih i pojedinačnih pravnih akata u nadležnosti općinskog načelnika, te pripremanju i praćenju provođenja usvojenih politika u nadležnosti općinskog načelnika. Od 11.02.2011. godine postao je ministar za pravosuđe i upravu u Vladi Tuzlanskog kantona i tu funkciju je obavljao do 11.02.2014. godine i kao razlog za prestanak radnog odnosa navodi smjenu vlade. Trenutno radi kao pomoćnik ministra - rukovodilac sektora uprave u Federalnom ministarstvu pravde i tu funkciju obavlja od 22.09.2014. godine i obavlja najsloženije poslove rukovodnog karaktera.

#### Ostale relevantne informacije

Član je Alumni organizacija John F. Kennedy School of Government, Harvard University od 2007. godine do danas. Također, član je Socijaldemokratske partije Bosne i Hercegovine od 1997. godine. U više mandata bio je član predsjedništva općinske organizacije Socijaldemokratske partije Bosne i Hercegovine Živinice, te jedan mandat u kantonalnoj organizaciji Socijaldemokratske partije Bosne i Hercegovine, Tuzla. U junu 2004. godine podnio je ostavku na sve stranačke funkcije. U periodu od augusta 2014. godine do februara 2015. godine, kada je podnio neopozivu ostavku, bio je član nadzornog odbora javnog preduzeća „Šume Tuzlanskog kantona“.

Objavio je naučne radove:

„Lokalna samouprava u Saveznoj Republici Njemačkoj“, Pravna misao, br. 11-12, Sarajevo, 2012., str. 7-24;

„Evropska povelja o lokalnoj samoupravi“, časopis Pravni savjetnik, br.3, Sarajevo, 2013., str. 74-80;

„Sistem lokalne samouprave u Republici Sloveniji“, časopis Pravni savjetnik, br. 6-7, Sarajevo, 2013.;

„Organizacijski i funkcionalni problemi organa uprave u FBiH“, zbornik radova međunarodne naučne konferencije „Javni i privatni aspekti nužnih pravnih reformi u BiH: Koliko daleko možemo ići?“, Pravni fakultet Univerziteta u Tuzli, 13.-14.decembar 2013., str. 207.-222.;

#### Ocjena i mišljenje

Relevantno pravno iskustvo kandidata, doprinos pravnoj nauci i sudskoj praksi kroz objavljene radove, te u razgovoru pokazani visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH ga preporučuju kao **odličnog** kandidata za poziciju sudije Ustavnog suda Federacije BiH.

### GRUPA II (vrlo dobri)

#### IŠERIĆ ENVER (B)

Rođen 05.03.1962.godine, po nacionalnosti Bošnjak. Pravni fakultet je završio 12.07.1995. godine na Pravnom fakultetu Univerziteta u Sarajevu. Zvanje magistra

pravnih nauka stekao je 09.10.2001.godine na Pravnom fakultetu Univerziteta u Sarajevu, te je doktorirao 09.10.2007.godine i stekao zvanje doktor pravnih nauka na Pravnom fakultetu Univerziteta u Sarajevu. Pravosudni ispit je položio 29.07.2019. godine u Federalnom ministarstvu pravde u Sarajevu.

### Radno iskustvo

Od 27.04.1983. godine do 30.03.1992. godine radio je kao rukovodilac odjeljenja tekućeg i investicionog održavanja u Unis Pretis Vogošća. Kao sekretar općinskog vijeća u Općini Stari Grad radio je od 30.06.1996. godine do 29.04.2004. godine i obavljao stručne i administrativne poslove za potrebe općinskog vijeća i njegovih radnih tijela. Od 30.04.2004. godine do 22.06.2010. godine bio je direktor Agencije za državnu službu u Vladi FBiH i obavljao poslove rukovođenja Agencijom za državnu službu koja je vršila reviziju zakonitosti zapošljavanja, obuku državnih službenika i provođenje konkursnih procedura za prijem u državnu službu. Funkciju generalnog sekretara SBB obavljao je od 22.06.2010. godine do 25.07.2011. godine. Od 29.02.2012. godine je direktor Zavoda za javnu upravu u Vladi FBiH.

### Ostale relevantne informacije

Objavio je mnoge stručne radove:

„Karakter parlamentarizma u Bosni i Hercegovini“ ; Pravna misao broj 3-4 (str. 43.), Sarajevo 2002.;

„Primjena principa Evropske povelje o lokalnoj samoupravi u Bosni i Hercegovini“ ; Pravni savjetnik broj 9, (str 84.), Sarajevo 2002.;

„Ostvarivanje i zaštita izbornog prava u Bosni i Hercegovini“ ; Pravni savjetnik broj 3, (str. 73.), Sarajevo, mart 2003.;

„Bosna i Hercegovina pred ustavnim izborom“ ; Anali Pravnog fakulteta Univerziteta u Zenici, broj: 7, (str. 353.), maj 2011.;

„Zaštita ustava i ustavnosti u federacijama“ ; Stručni časopis UPRAVA, broj 5, (str.27. – 56.) juni 2012.;

„Reforma javne uprave u BiH – ciljevi i ostvarenja“, Pravni savjetnik (str.11-19) , septembar 2014.;

„Međunarodno-pravni aspekti Dejtonskog mirovnog sporazuma“, Pravna misao broj 1-2, januar-februar 2015. str (7-30);

„Racionalnost i autoritet nekih odluka Ustavnog suda Bosne i Hercegovine – analiza slučaja“ ; Pravna misao broj 7-8, juli-august 2017.,, str. 7-21

Bio je član SBB na funkciji generalnog sekretara od 22.06.2010. –25.07.2011. godine, kada je podnio ostavku i istupio iz stranke zbog neslaganja sa načinom rada. Bio je pripadnik Armije R BiH u trajanju od 15. mjeseci. Od 07.06.2018. - 15.08.2019. godine bio je član Skupštine KJKP Sarajevogas.

### Ocjena i mišljenje

Imajući u vidu navedene reference kandidata i to prvenstveno njegovo respektabilno radno iskustvo stečeno na raznovrsnim pravnim poslovima, objavljene naučne radove, te kroz razgovor pokazani stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **vrlo dobar** kandidat za pozicije sudije Ustavnog suda Federacije BiH.

## **SCHORR BRANKA (S)**

Rođena 01.05.1954. godine. Po nacionalnosti Srпкиnja. Pravni fakultet završila 1980. godine a pravosudni ispit položila u Sarajevu, 14.09.1982. godine.

### Radno iskustvo

Ima ukupno 38 godina radnog iskustva nakon položenog pravosudnog ispita. Svoju karijeru je započela 1976. u „Hiroinženjering“ Sarajevo kao pomoćnik u administraciji u trajanju od godinu dana. Od 1981. do 1982. godine radila je kao pripravnik u Republičkom javnom tužilaštvu Sarajevo. Od 1982. do 1985. godine radila je kao advokatski pripravnik sa položenim pravosudnim ispitom u Advokatskoj kancelariji Milišić Vladimira, a nakon toga od 1985. do 1986. godine radila je kao referent za pravna pitanja u „Zajednica osiguranja imovine i lica“ Sarajevo. U periodu od 1986. do 1992. godine, bila je na poziciji sudije parničnog i privrednog odjeljenja u Općinskom sudu II u Sarajevu. Od 2001. do 2003. godine obavljala je dužnost sudije vanparničnog odjeljenja u Općinskom sudu II u Sarajevu, a od 2003. do 2013. godine bila je sudija Kantonalnog suda u Sarajevu. Od 2013. godine je na poziciji sudije Vrhovnog suda Federacije BiH.

### Ostale relevantne informacije

Član je udruženja sudija Federacije BiH. Govori njemački jezik. Od 2001. godine prisustvovala je mnogobrojnim seminarima i edukacijama.

### Ocjena i mišljenje

Navedeno pravno iskustvo kandidatkinje, kao i pokazani visok stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, preporučuju je kao **vrlo dobru kandidatkinju** za poziciju sutkinje Ustavnog suda Federacije BiH.

## **ŠABIĆ SMAJO (B)**

Rođen je 10.04.1972. godine, po nacionalnosti Bošnjak. Pravni fakultet završio 04.09.2000. godine, a pravosudni položio 2006. godine. Magistrirao je 13.04.2010. godine na Pravnom fakultetu Univerziteta u Zenici, a doktorirao 29.06.2018. godine, također na Pravnom fakultetu Univerziteta u Zenici.

### Radno iskustvo

Ima ukupno 14. godina radnog iskustva nakon položenog pravosudnog ispita. Od 1993. godine do 2002. godine radio je u Ministarstvu unutrašnjih poslova ZE DO kantona kao inspektor za organizovani i privredni kriminal. Od 2002. do 2007. godine bio je direktor Poliklinike Sunce u Zenici. Od 2007. do 2011. godine bio je općinski

pravobranilac u Općinskom pravobranilaštvu u Kaknju. Od 01.08.2011. do 29.02.2016. godine bio je dodatni sudija u Općinskom sudu Zenica. Od 01.03.2016. godine je sudija i predsjednik parničnog odjeljenja u Općinskom sudu u Zenici.

#### Ostale relevantne informacije

U periodu 2007. do 2011. godine bio je član udruženja pravobranilaca Federacije BiH. Od 2009. do 2011. godine obavljao funkciju Predsjednika udruženja pravobranilaca Federacije BiH. Od 2011. godine član je udruženja sudija Federacije BiH, a od 2017. godine član predsjedništva udruženja sudija Federacije BiH. Od maja 2018. godine član i zamjenik predsjednika upravnog odbora CEST-a Federacije BiH. Član je radne grupe formirane od strane Ministarstva Pravde BiH zadužene za reformu zakona o izvršnom postupku. Jedan je od edukatora u CEST-a FBiH i vanjski je saradnik (predavač) na Pravnom fakultetu u Zenici.

Objavio je mnoge stručne radove:

„Osiguranje od odgovornosti za štetu pričinjenu medicinskog greškom“, Anali Pravnog fakulteta u Zenici;

„Fiktivne firme kao oblik privrednog kriminala i pranja novca u Bosni i Hercegovini“;

„Zaštita prava etažnog vlasništva“, Anali Pravnog fakulteta u Zenici;

„Organizacija pravni i materijalni položaj pravobranilaca u Federaciji Bosne i Hercegovine“;

„Pravni položaj parničnih stranaka kod objektivne preinake tužbe u toku pripremnog ročišta“, Anali Pravnog fakulteta u Zenici;

„Bosna i Hercegovina na putu reforme izvršnog postupka u proceduri objavljivanja“.

#### Ocjena i mišljenje

Vrlo respektabilno radno iskustvo kandidata stečeno na poslovima tužioca i sudije u redovnom pravosuđu, doprinos pravnoj nauci i sudskoj praksi kroz objavljene radove, te kroz učešće, kao predavač na seminarima i konferencijama, preporučuju ga kao **vrlo dobrog** kandidata za funkciju sudije Ustavnog suda Federacije BiH.

#### **ZUPAREVIĆ SAMIR (B)**

Rođen 15.09.1969. godine u Travniku, po nacionalnosti Bošnjak. Pravni fakultet završio u Sarajevu 1998. godine, a pravosudni ispit položio 2014. godine. Magistrirao je 1995. godine na Pravnom fakultetu u Sarajevu, a doktorirao 2009. godine na Pravnom fakultetu u Zenici, gdje je stekao zvanje doktora pravnih nauka.

#### Radno iskustvo

Ima ukupno 5 godina radnog iskustva nakog polaganja pravosudnog ispita. Od 20.11.1998. do 31.08.2002. godine radio je kao stručni saradnik za pravne poslove u JP PTT BiH p.o. Sarajevo, Direkcija PTT Jajce-Travnik. Od 01.09.2002. godine do 01.12.2004. godine bio je šef službe u službi za pravne, kadrovske i opće poslove, zatim od 03.12.2004. do 31.03.2005. godine šef službe za poštanski i novčani promet, te od 01.04.2005. do 26.03.2019. godine šef službe za poštansku eksploataciju u „JP BH POŠTA“, d.o.o. Sarajevo, Centar pošta Travnik.

#### Ostale relevantne informacije

Objavio je 4 knjige i 6 naučnih i stručnih radova. Govori engleski jezik. Od 2012. godine predaje na Fakultetu pravnih nauka Sveučilišta „Vitez“ u Vitezu. U periodu 2010.-2011. godine, bio je univerzitetski nastavnik u zvanju docenta na Internacionalnom Univerzitetu Philip Noel-Baker Sarajevo. Od 2009. do 2010. godine bio je univerzitetski nastavnik u zvanju docenta na Pravnom fakultetu u Travniku. Od 2005.-2009. godine bio je viši asistent na Pravnom fakultetu Univerziteta u Zenici. Učestvovao je na mnogim konferencijama i znanstvenim projektima. Kandidat ima dugogodišnji radni staž i radno iskustvo u privredi (25 godina) te radno iskustvo u naučno-nastavnim ustanovama (13 godina).

#### Ocjena i mišljenje

Imajući u vidu relevantno radno iskustvo kandidata na pravnim poslovima, te kroz razgovor pokazani stepen poznavanja ustavno-pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **vrlo dobar** kandidat za poziciju sudije Ustavnog suda Federacije BiH

### GRUPA III (dobri)

#### ANĐIĆ JOZO (H)

Rođen 04.01.1958. godine, po nacionalnosti Hrvat. Pravni fakultet završio 15.12.1982. godine na Pravnom fakultetu Univerziteta u Beogradu. Pravosudni ispit položio 22.02.1995. godine u Ministarstvu pravosuđa i uprave Mostar.

#### Radno iskustvo

Kandidat ima ukupno 24 godine radnog iskustva nakon polaganja pravosudnog ispita.

#### Radno iskustvo

U razdoblju od 1992.-1993. godine bio je zamjenik ministra za upravu, Krizni štab. Od 01.03.1993. godine do 31.07.1995. godine bio je sudija Višeg vojnog suda Bosanski Brod, sa sjedištem u Orašju, a od 01.08.1995. do 01.07.1997. godine bio je sudija Osnovnog suda za prekršaje u Bosanskom Šamcu. Od 01.07.1997. do 01.05.1999. godine bio je sudija u Općinskom sudu Orašje. A od 01.02.1998. godine pa do 01.09.2001. godine bio je zamjenik predsjednika Apelacionog suda Brčko distrikta. Od 01.09.2001. godine pa do 31.01.2006. godine bio je advokat, da bi 01.02.2006. godine bio imenovan za suca Kantonalnog suda u Odžaku, na kojoj dužnosti se nalazi i danas.

#### Ostale relevantne informacije

Trenutno je član predsjedništva Udruge sudaca FBiH, a član istog je već 10 godina. Bio je član HSS-a od 2001. do 2004. godine, a kao razlog istupanja navodi gubitak interesa i bavljenje drugim poslovima. Bio je vojni sudac Višeg vojnog suda u Bosanskom Brodu. Obavljao je istražne radnje kao sudija u kaznenim postupcima, kao i suđenja u kaznenim postupcima kao sudija pojedinac ili član vijeća u razdoblju od 01.03.1993. godine do početka 1998. godine. Pristustvovao je brojnim seminarima i obukama. Govori njemački jezik.



### Ocjena i mišljenje

Imajući u vidu navedene reference kandidata, prvenstveno njegovo respektabilno radno iskustvo u pravosuđu od 27 godina, te kroz razgovor pokazani stepen poznavanja ustavno pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **doobar** kandidat za poziciju sudije Ustavnog suda Federacije BiH.

### **DUJAKOVIĆ BOJAN (S)**

Rođen je 03.12.1955. godine, po nacionalnosti Srbin. Pravni fakultet završio je 1978. godine, a pravosudni ispit položio 1981. godine u Sarajevu.

#### Radno iskustvo

Od 1981. do 1984. godine bio je stručni saradnik u Opštinskom sudu II u Sarajevu, a od 1985. do 1992. godine bio je zamjenik javnog tužioca u Opštinskom javnom tužilaštvu II u Sarajevu. Od 1996. do 2000. godine bio je na poziciji zamjenika javnog tužioca u Okružnom javnom tužilaštvu u Doboju. Od 2000. do 2003. godine radio je kao domaći pravnik UN misije u BiH, a od 2005. do 2011. godine kao posmatrač suđenja OSCE misije u BiH. Od 2011. godine je savjetnik Ustavnog suda FBiH. Ukupno ima 29. godina radnog iskustva nakon položenog pravosudnog ispita.

#### Ostale relevantne informacije

Govori engleski, njemački i ruski jezik. Učestvovao je na više seminara i edukacija.

### Ocjena i mišljenje

Imajući u vidu navedene reference kandidata, prvenstveno njegovo respektabilno radno iskustvo u pravosuđu od 29 godina, te kroz razgovor pokazani stepen poznavanja ustavno pravne materije, uključujući i specifičnosti u pogledu nadležnosti i postupka pred ustavnim sudovima u BiH, cijenimo da je isti **doobar** kandidat za poziciju sudije Ustavnog suda Federacije BiH.

Klasifikacija: 21-01-2021			
Organizaciona jedinica	Klasifikaciona oznaka	Broj prijave	Broj prijave
04	07-3	338	

01

Bosna i Hercegovina  
FEDERACIJA BOSNE I HERCEGOVINE  
USTAVNI SUD  
FEDERACIJE BOSNE I HERCEGOVINE

Broj: S-59-7/19  
Sarajevo, 20.01.2021. godine

**VISOKO SUDBENO I TUŽITELJSKO VIJEĆE BOSNE I HERCEGOVINE**  
**VISOKO SUDSKO I TUŽILAČKO VIJEĆE BOSNE I HERCEGOVINE**

n/r Predsjedavajuće Sanela Gorušanović-Butigan

Kraljice Jelene 88

SARAJEVO

**PREDMET:** Dostava Mišljenja o kandidatima za suca Ustavnog suda  
Federacije Bosne i Hercegovine

Ustavni sud Federacije Bosne i Hercegovine na 324. sjednici, održanoj 19.01.2021. godine, utvrdio je Mišljenje o kandidatima za suca Ustavnog suda Federacije Bosne i Hercegovine, koje Vam u prilogu dostavljamo.

Predsjednica  
Ustavnog suda Federacije  
Bosne i Hercegovine

**Dr. sc. Kata Senjak**

*Kata Senjak*

Bosna i Hercegovina  
FEDERACIJA BOSNE I HERCEGOVINE  
USTAVNI SUD  
FEDERACIJE BOSNE I HERCEGOVINE

Broj: S-59-7/19  
Sarajevo, 19.01.2021. godine

**VISOKO SUDBENO I TUŽITELJSKO VIJEĆE BOSNE I HERCEGOVINE**  
**VISOKO SUDSKO I TUŽILAČKO VIJEĆE BOSNE I HERCEGOVINE**  
n/r Predsjedavajuće Sanela Gorušanović-Butigan  
Kraljice Jelene 88  
SARAJEVO

**PREDMET: Mišljenje o kandidatima za poziciju suca Ustavnog suda  
Federacije Bosne i Hercegovine**

Veza Vaš broj: 04-07-3137-1/20 od 10.12.2020. godine i akt broj: 04-02-3-3137-4/20  
od 22.12.2020. godine

Sukladno članku 11. stavak 1. alineja 5. Odluke o položaju, ustroju, funkcioniranju, samostalnosti i upravno-materijalnoj neovisnosti Ustavnog suda Federacije Bosne i Hercegovine („Službene novine Federacije BiH“, broj: 6/18), Ustavni sud Federacije Bosne i Hercegovine je na 324. sjednici održanoj 19.01.2021. godine razmatrao Vaša akta broj i datum gornji, kojim ste sukladno članku 17. stavak 1. točka 3. Zakona o visokom sudskom i tužiteljskom vijeću Bosne i Hercegovine („Službeni glasnik BiH“, broj: 25/04, 93/05 i 48/07) zatražili mišljenje o kandidatima za poziciju suca Ustavnog suda Federacije Bosne i Hercegovine.

Sukladno do sada iskazanim stavovima Ustavnog suda Federacije Bosne i Hercegovine (u daljem tekstu: Ustavni sud Federacije) u pogledu objektiviziranja uvjeta za izbor najboljeg kandidata, a nakon razmatranja Vaših podnesaka broj i datum gornji, u koji su uvršteni svi kandidati koji su pristupili razgovoru, ističemo da prednost dajemo podjednako kandidatima koji kumulativno ispunjavaju uvjete naučnog zvanja doktora pravnih nauka, a koji imaju najrelevantnije radno iskustvo iz oblasti ustavnog prava i prava ljudskih prava, kao i kandidatima koji su suci Vrhovnog suda Federacije Bosne i Hercegovine i Apelacionog odjeljenja Suda Bosne i Hercegovine. Istovremeno smatramo sa stanovišta objektivnosti odnosno javne percepcije o neovisnosti i nepristrasnosti sudaca, a samim tim i institucije Ustavnog suda Federacije, da bi bilo poželjno da izbjegnute uvrštavanje u Vašu konačnu listu kandidate koji se mogu dovesti u vezu sa političkim strankama i političkim imenovanjima.

Istovremeno Vas podsjećamo da prema Amandmanu XLVIII na Ustav Federacije Bosne i Hercegovine, Ustavni sud Federacije se sastoji od devet sudaca, od kojih su najmanje po dva iz reda sva tri konstitutivna naroda i jedan iz reda Ostalih. Trenutno je Ustavni sud Federacije popunjen sa pet sudaca, od kojih je jedan sudac iz reda bošnjačkog konstitutivnog naroda, dvoje sudaca iz reda hrvatskog konstitutivnog naroda, jedan sudac iz reda srpskog konstitutivnog naroda i jedan sudac iz reda Ostalih.

Napominjemo da je u proceduri izbor tri suca koji još nije okončan, a konačna Vaša lista prijedloga nalazi se kod Predsjednika i dopredsjednika Federacije Bosne i Hercegovine.


Isto tako ističemo, da je Amandmanom XXXIII na Ustav Federacije Bosne i Hercegovine, u okviru Ustavnog suda Federacije iz reda sudaca Suda formira se Vijeće za zaštitu vitalnih interesa (u daljem tekstu: Vijeće). Sastoji se od sedam članova Vijeća, i to po dva iz svakog konstitutivnog naroda i jedan iz reda Ostalih. Trenutni saziv Vijeća je u sastavu od četvoro sudaca – članova Vijeća, po jedan iz svakog konstitutivnog naroda i jedan iz reda Ostalih. Nakon imenovanja i popune sastava Ustavnog suda Federacije, nužno će biti imenovati i suce koji će biti članovi Vijeća, tako da je minimalno potrebno popuniti Vijeće sa po jednim sucem iz reda bošnjačkog, hrvatskog i srpskog konstitutivnog naroda, bez ikakvog prejudiciranja imenovanja sastava sudaca Suda po etničkoj pripadnosti izuzev propisanog naprijed navedenim odredbama Ustava Federacije Bosne i Hercegovine.

Vaš konačan prijedlog liste kandidata za imenovanje suca ovog Suda koji ćete uputiti Predsjedniku i dopredsjednicima Federacije Bosne i Hercegovine, molimo da dostavite i ovom Sudu.

I ovaj putim koristim priliku da izrazim svoje poštovanje.

Predsjednica  
Ustavnog suda Federacije  
Bosne i Hercegovine

**Dr. sc. Kata Senjak**



Co:

1. Predsjedniku Federacije BiH
2. Dopredsjednicima Federacije BiH